

四庫全書

集部

欽定四庫全書

十五家詞卷三十六

休寧孫默編

董俞玉鳧詞上

小令

憶江南

本意

江南好最憶石頭城
孫楚樓邊春繫馬
莫愁湖畔夜彈箏
佳麗勝西京

又

江南好其次憶蘓州笠澤潮生春網急楓橋雨細曉鐘
愁遠嶠翠烟浮

又

江南好虎阜更如何短簿祠前羅襪淺真孃墓上繡茵
多夜月聽笙歌

又

江南好攜手慧山傍三月鶯花歌舫密半巖風雨碧泉

香玉椀試瓊漿

又

江南好鐵甕暮潮喧瓜步秋風殘堞隱金焦夜雨大江
寒北固路漫漫

又

江南好白苧景偏奇短榻夜山聽鶴唳袂衣秋渚採蓴
絲幽絕令人思

又

江南好江北憶維揚
舊苑瓊花香雨斷
畫樓檀板碧蟾涼
往事最難忘

又

江南好西去是嘉禾
千尺畫樓寒樹外
斷烟依舊鎖南湖
雙槳一漁蓑

如夢令

惜別

小閣廉纖微雨金鴨水
沉一炷臨別苦
丁寧攜手畫欄

深處人去人去長日滿庭飛絮

春夜

簾外鴉啼風細落月春蕪滿地香盡畫樓閒知道玉人
沉醉君記君記正是消魂天氣

長相思

山驛

山鳥啼水鳥啼水澗山青路欲迷愁他雙槳遲酒醒
時夢醒時花又無聊月又低莫教羌管吹

雨後

梅花天杏花天春在前溪梅杏邊
花開兩岸烟 風滿船雨滿船
風雨寒燈夕不眠愁來更可憐

生查子

別意

高樓酒一卮腸斷分離處
前夜秣陵花今夜瀟湘雨
獨倚木欄橈酒醒山無數
試問此時心心似秋蓮苦

楊柳枝

春閨

愁絕蕭郎音信稀
夢中歸畫簾風動六銖衣
篆烟微
小園閒却鞦韆索
桐花落最憐白晝燕雙飛
怨春暉

女冠子

第一體

月夜

綠蕉深處又見一鈎蟾
影繡簾垂娟娟蓮三寸
亭亭玉
一枝相思情似絮
相見淚如絲
私語屏山曲
立多時

點絳脣

東友

泉冷雲深仙翁靜愛青山宿曉松如沐夕澗幽禽浴
舴艋歸來獨對羣峰簇爐烟馥滿庭黃菊簾捲秋塘綠

浣溪紗

夏景

落日涼颺曲檻南紅蕉初展燕呢喃碧厨冰簟酒微酣
茉莉暗藏鏤玉枕葡萄輕染薄羅衫笑偎蓮臉不知

慚

風情

絳蠟春醒暈粉腮
畫欄斜凭溜金釵
手拈梅豆要郎猜
鴨綠雙垂鴛尾帶
猩紅一捏鳳頭鞋
澹澹偷影覩陽臺

春遊

脈脈閒情似水流
暮江人上木蘭舟
畫橋西去笛聲幽
客醉夕陽芳草路
烏啼寒食杏花樓
澹烟微雨一春愁

前題

側側東風漲綠池
燕嬌鶯嬾夕陽遲
踏青天氣鬪茶時
綺席興酣銀鑿落
瑣窗腸斷玉參差
畫船歸去雨絲絲

離思

孤館寒更悵獨眠
那人疑在繡衾邊
歡情別恨兩纏綿
記得夜深嬌未睡
背燈無語立床前
鬢鬆腰嫩最堪憐

美人春睡

細雨屏山掩綠苔
侍兒私語傍粧臺
管騰春醉眼慵開
鴛枕暖偎紅粉頰
麝煤香浸繡弓鞋
翠幃風動夢初來

春閨

鬪草歸來雨濕衣
畫簾春靜蝶雙飛
黛螺高綰繡裙低
好夢每嫌嬌鳥喚
幽情只許侍兒知
小窻燈燼憶人時

羈遊

羈思春情兩不堪
嫩寒微雨透征衫
翠堤迢遞路曾諳
村寺日斜山潑黛
野塘風靜水拖藍
斷腸芳草遍江

南

春感

竹塢烟深禽影偏
溪橋花落浪痕圓
澹雲芳草袂衣天
舊院碧桃人似夢
小窻紅燭夜如年
坐殘銀漏阿誰
憐

詠雲和子四調 畫

麗敷晴窗花影垂
新茶潑雨瀉縹瓷
偶拈銀管蘸琉璃
青簇晚山輕似髻
綠浮春水細於絲
江南小景勝徐

熙

又棋

百寶欄前暑氣清
研羅衫薄茜裙輕
枕痕一線夢初醒
閒看綠窗消蕙炷
自描紅玉作棋枰
重圍誰為解劉

生

又詩

細楷吳綾點漆螺微吟釵溜綠雲窩年來詩句斷腸多
對鏡漫裁金縷曲背人偷和竹枝歌春心一寸奈愁
何

又琴

靜院幽思半不禁冰泉滿匣瀉瑤琴阿誰知得此時心
碧沼雨餘啼鳥寂繡簾風細落花深小牕彈罷獨沉
吟

菩薩蠻

別恨

芳塘弱柳波紋碧
畫樓香雨花光濕
夢斷曉鐘殘
床堆繡被閒
漫將沉水薰
心似丁香結
嚙指暗尋思
相逢定幾時

閨情

畫簾蕪蕪梧桐雨
晚粧初罷嬌無語
燈下強佯人
羅衫浣酒痕
肌香溫繡被
感損眉山翠
未慣是雙眠
須郎

著意牽

秋景

草堂人去烟光夕藕花殘雨銀塘碧蝶夢此時幽蟬吟
一院秋庭梧飄玉砌曲磴茶烟細獨坐數歸禽疎鐘
逗遠林

梅花

斷橋雪霽溪聲冷溪邊數點寒鴉影山店暝鐘來垂垂
花正開羈愁凝望處玉蘂吹香雨瘦萼不禁春折來

愁殺人

懷友

去年元夕和君別今年又見梅如雪寒鴈一聲聲君從
何處聽 愁來渾似醉彼此同憔悴烟艇暮江寒誰憐
行路難

良會

鳳釵欲溜歌香枕棗花飛墮鴛鴦錦漫熬玉爐香那愁
今夜長 顛狂真箇醉不放檀郎睡此事最消魂啼痕

和齒痕

湖舫醮集贈友

南屏已作三年別倦遊相對花如雪行到畫橋邊斜陽
正可憐綠簑香雨小橫簷孤山曉同泛鄂君舟湖烟
淡不收

卜算子

江亭

黃鸝語不休飛入紅香暖醉倚江邊百尺亭一抹柔藍

遠沙雨舞鬢髮渡口霞光亂撥刺纖鱗水面遊點點
菱花晚

醜奴兒令

燕子磯

年年腸斷清溪路燕子磯頭暫繫扁舟飛盡寒雲水自
流六朝舊恨斜陽裏無數沙鷗莫上高樓葉葉丹楓
賺客愁

減字木蘭花

羈遊

去年寒食滕王閣上吹橫篴
今歲清明鄧尉峰頭聽早鶯
幾回欲去却被春山留我住
羈思茫茫且對繁花醉一場

謁金門

山寺

山欲暝山半一聲孤磬兩兩野猿攀絕磴
寒潭落日淨簾內老僧入定簾外松花滿
徑古殿石燈金粟影心

珠常自瑩

清平樂

早行

荒亭古驛雨送疎鐘濕飢鼠銜花燈下立驢背一聲簫
策 緇塵白恰堪悲澹雲芳草萋迷誰把玉簫輕按離
人正是愁時

幽思

酒醒何處月落溪光曙
牕外子規啼不住
真箇不如歸

去莫言身後虛名難忘菰飯蓴羹契濶山中茅舍恐
他鶴怨猿驚

阮郎歸

風情

綠蕉殘夢雨絲絲黃鶯飛去遲玉郎偷影入羅帷巫山
路不迷湘簾滑翠鈿歌燈花雙穗垂凭肩密約兩心
知香唇暗齧時

畫堂春

詠美人足和友人韻

鳳頭低露畫裙邊
繡幫三寸花鮮
凌波何幸遇
嬋娟
辦
辦生蓮
怪殺夜來狂
甚溫香一捻
堪憐
玉趺
褪盡軟
行纏被底燈前

詠美人目和友人韻

銷魂全在眼波秋
盈盈怕見春愁
暮江人去正凝眸
粉
淚難收
密意燈前頻送
幽情扇底微鈎
繡幃斜
睨半
含羞別樣風流

山花子

春情

脈脈柔情怯曉風
茜裙雙帶綰芙蓉
僻徑遇人羞背立
柳陰中
幾度暗顰眉黛綠
一回微笑粉痕紅
願作翠堤芳草軟襯鞋弓

眼兒媚

重過維揚

亂蟬衰柳泣
邗溝舴艋是重遊
青山不改紅蕖將吐白

了人頭 數聲畫角殘陽裏 羈客易悲秋 多應惹起十
年舊夢 一片閒愁

桃源憶故人

別愁

玉驄肯住人難住 漠漠征塵何處 只有芳魂似絮飛向
陽關路 綠蕉影裏 雙鬟語夢 斷風流無據 屈指鳳城
人去 幾度紗牕雨

三字令

重過燕山

燕市客悵重遊又深秋涼月小暮山愁玉蟾蜍金腰褭
醉紅樓人如玉倚香篝撥瑩篴紅蠟下錦纏頭眼波
橫眉黛淺最風流

柳梢青

江寺

幾點遙山夕陽西下黯黯殘雲柳絮將飛杏花初謝江
上孤邨天涯又值殘春更不禁青衫淚痕細雨扁舟

寒燈古寺一箇愁人

贈妓

記得年時羅敷未嫁碧玉初笄
紈扇深遮雙螺高綰剛
解相思花前珍重幽期更恰好
燈昏篆微半餉假人
十分濃醉一味嬌癡

七里灘

莫向江頭問他漁父誰醉誰醒
一葉輕船數聲橫玉雲
樹冥冥狂奴故態堪驚
垂釣處寒鴉亂鳴
落落鷗灘

白蘋香蟹斷潮白山青

少年遊

江景

白蘋古渡丹楓遠寺好景正深秋暮嶺重重寒霞片片
江路去悠悠 羈遊汗漫寸心千里回首不勝愁漁寺
歌殘柳橋人散涼月伴孤舟

南歌子

詠所見

嫩綠含烟舞妖紅映水明珠宮寶幙勝層城
蔦地絳雲深處遇娉婷
繡帶鴛鴦煖羅裙蛺蝶輕
紅兒為字雪兒名
偷看桃花扇底最關情

雙調望江南

楓橋夜泊

楓橋路烟水正迢迢
欲向東君尋舊約
渚花巖月兩無聊
孤負是春宵
人何在獨倚赤欄橋
遙憶去年櫻笋候
畫船紅燭聽吹簫
往事更魂消

為友人悼歌姬桐月

江南好烟景媚晴川柳絮澹雲寒食節杏花香雨袂衣
天腸斷畫橋邊初相見碧玉破瓜年半餉幽歡疑夢
裏幾番私語避人前嬌小最堪憐

又

江南好花信正芳菲金屋莫愁偏早嫁畫船桃葉恰同
歸風動六銖衣閒竚立不羨蝶雙飛銀甲按箏歌調
促玉枰賭酒笑聲微往事尚依稀

又

江南好良夜月華新舞罷爭看垂素手歌殘未許鬪丹
唇妬殺是橫陳 慊慊病憔悴度芳春何事窈娘偏薄
命多應小玉是前身縹緲夢中人

又

江南好人在畫船中桃扇半歌眉黛嫵杏衫初卸粉香
融洛浦降行踪 尋芳去款乃夕陽紅屬玉雙飛春恨
淺丁香百結暮愁濃相憶忽相逢

又

江南好六曲畫屏開真箇有情憐宋玉未應輕折在章
臺幽徑少人來 燈兒下媚絕粉香腮無語但垂雙舞
袖背人偷換合歡鞋長夜費安排

又

江南好綠水蘸明粧卓女漫誇眉際黛婕妤別具體中
香窵地舞裙長 風流甚半醉泥檀郎蝶塢迷藏無處
覓鴛幃秘戲不禁狂些事費思量

又

江南好，驀遇曲欄邊。
弱柳作腰長，自顛天桃噴面並生。
妍一笑，更嫣然，留歡住。
雙跪佛龕前，契背不忘同死約。
癡情還想再生緣，私誓兩心堅。

又

江南好，烏柏夜烏啼。
楚峽乍逢真，似夢隋樓欲到忽生。
迷何異，武陵溪，燈如畫。
檀板翠眉低，金谷好花曾共賞。
翠屏纖手憶同攜，醉墨曩時題。

又

江南好佳麗數紅兒祇為獨眠偏起早翻因密約故來
遲心事阿儂知 疎桐影和月亂采魚子夜曲殘人已
醉甲煎燒罷帳還垂端的是情癡

又

江南好愁坐厭芳樽青鳥漫傳千里信彩鴛應化異時
魂孤負月黃昏 疎鐘靜屈戎掩重門繡閣不聞蓮屐
響羅衫曾印口脂痕無計再溫存

又

江南好，孤館又新秋。明月正圓，偏作暈彩雲，欲散迥難留。暮雨更添愁。閒思遍曲巷，少年遊。燈下卸頭簪，茉莉帳中含笑撥瑩篴，往事最風流。

又

江南好，腸斷為知音。南陌碧桃尋舊約，西綾繡帶結同心。良夜漏沉沉。人何在，門閉落花深。膩粉尚粘雙鈿合，殘香猶暖舊瑤琴。幽恨至今。

賣花聲

江村

斗帳異香薰無限
溫存鳳簫吹罷更
偎人枕上雙蛾
衾上淚事事消魂
潦倒厭芳樽
身在孤村梧桐殘
露隔牕聞別是一番滋味也
月澹燈昏

思佳客

和吳夢牕詠半面髑髏

雲雨巫山已渺茫
尚餘粉靨費端相
細腰猶想藏衾內

高髻還疑墜枕傍
桃葉艇杏花牆
一般微露斷人腸
而今青草斜陽裏
漫學徐妃半面粧

又

蛺蝶芳魂那可招
無端半面尚含嬌
香埋秋蘚藏羅襪
影斷春波失翠翹
金鳳慧玉環
妖賸留雙嫵
待人描

勸君莫作繁華想
細雨飛花一夜消

金鳳即閩主
王延鈞陳妃

又

人面桃花一樣殘
東風孤塚不勝寒
移時蓮步空餘窄

嚙處櫻桃已損丹 寒食路北邙山荒榛長夜雨漫漫
當時無限相憐惜 覓取情人試一看

又

杜宇啼殘一夜風 棠梨猶剪嫁衣紅 曾於簾內匆匆見
却向溪邊草草逢 山靜悄月朦朧 青燐數點蠟燈同
從今落盡鉛華色 天女鳩茶總是空

虞美人

相逢

海棠憔悴春光去白晝廉纖雨
瑣牕愁坐正思儂恰好
畫堂深處暮相逢
繡裙窄地雙鴛小
妬殺腰支裊
博山香細酒微溫
無奈嬌波燈下最撩人

感舊

碧簷偷弄梧桐影
屈戍霜華冷
玉人何處夜燒香
記取畫欄西轉曲池傍
別來瘦損腰如削
還憶花前約
此生無刻不關情
最是蘭膏欲地酒初醒

旅懷

晚峯斜帶秋雲碧
悶坐羈懷積楚江
迢遞夢難通
愁看別時紅豆繡囊中
小樓隙月風箏細
落葉吟香砌
酒醒燈暗畫簾垂
試問此時心事阿誰知

登太白酒樓

齊山幾點青螺小
千尺寒波遶無端
舟楫往來忙
試問千秋誰似謫仙狂
孤城畫角烟初暝
望斷江南信
勸君此處莫凭樓
只恐白雲飛去不勝愁

渡江述懷

夜闌怕向篷牕睡
諳盡孤眠味
長江笑我往來頻
况是早春時候
倍愁人
從前好景都辜負
總為儒冠誤
此身底事不能閒
贏得半江風雪浪如山

鵲橋仙

清明

鶯聲似曲花光如醉
玉溱波紋微皺
亂烟苦雨近黃昏
又醞釀清明時候
迢迢歡夢厭厭酒病
小院坐殘銀漏
情知薄倖不歸來
猶自把繡衾薰透

南鄉子

歸思

江上笛聲殘，雙槳悠悠去不還。
蓬背雨聲潮又急，潺潺兩岸吳山。
濕影寒，憔悴損朱顏。
屈指韶華鬢忽斑，回首故鄉千里外，
漫漫獨對梅花淚暗彈。

月夜

羅襪錦茵重，葉葉珠衣不耐風。
去似彩雲來似夢，匆匆腸斷迴廊細雨中。
愁倚畫樓東，六曲屏山燈影紅。

自徘徊花自笑朦朧孤負鑪香徹夜濃

垂絲海棠

爛漫趁新晴絳萼穠葩蘸水明慵倚寶欄香又軟娉婷
惹定春光最有情 曉幙正啼鶯浥露垂垂力不勝渾
似玉人初睡起輕盈媚臉紅潮醉未醒

踏莎行

佳人

繡袜留香羅裙拂翠盈盈絕稱韶光媚漫將團扇掩嬌

羞風流偏解憐夫婿 燕妬雙棲蓮慚並蒂酒酣百種
春情昵小屏低檻月朦朧雲鬟壓枕花香細

春望

陌柳飄綿園梨糝雪紅亭綠酒人離別春光不是別離
時別離偏向春時節 舊夢無痕新愁似結亂鴉啼處
山千疊漁燈點點隔江明蘋絲帶雨波聲咽

落花

狼藉金鋪飄零玉淑蕙紅皺白隨風舞殘枝裊裊怨斜

陽玉環飛燕俱塵土

辛稼軒句

蝶泥餘香鶯辭荒圃畫橋

客散濛濛雨美人睡起正凭闌嬌波凝矚愁無語

前題

桃片縈烟梨花墮雪畫樓惆悵聞啼鴂紅妝掩淚訴東君
低徊欲向枝頭別 可是嬌姿風姨妬絕頓教一夜
芳菲歇而今算作未開時何須檀板悲歌咽

小重山

春情

百寶欄前丹棘開畫屏深幾曲掩蓬萊玉人無語立瑤
堦腰肢小須築避風臺酒暈入蓮腮風流鴛帳裏費
安排桃笙滑溜鳳凰釵燈兒下倩繫合歡鞋

十五家詞卷三十六

欽定四庫全書

十五家詞卷三十七

休寧孫默編

董俞玉鳧詞下

中調

臨江仙 第四體

離愁

客裏鶯花三月半春光不似愁濃柳絲隨處綠蔥蔥酒
帘斜日外漁市亂烟中 多病丈園兼作客天涯信斷

難通可憐長夜正思儂寸心蕭寺雨殘夢隔江鐘

蝶戀花

虎阜僧閣

檢點韶光春又去羈思無聊整借吳山住寂寂招提花
幾樹荒巖只有幽禽語惆悵故人分手處目斷雙魚
良會渾無據欹枕小樓聽夜雨相思一點燈光聚

贈妓

茜裙窄地腰肢顛梅豆拋人低露黃金釧綠醑殷勤郎

自勸興酣漸覺嬌波緩
笑別銀燈回粉面旋脫羅衫
瑞雪胸前見駕帳橫陳紅玉軟憐他臂上雙鸞煖

送彭美門往吳門

匆匆無計留君住分手江亭芳草廉纖雨風雅而今誰
共語畫橋悵望帆飛處約道重來三月暮開遍酴醾
荏苒春光去若到金閭君記取愁多莫賦銷魂句

唐多令

庭前新植小桃纔開數萼以酒祝之

無語曉妝慵
胭脂數點紅
愛亭亭夕照
樓空渾似綠鬟
剛寸五偏容易嫁東風
春色不須濃
春情在此中
漫愁他蜂蝶匆匆
料道消魂今歲始常許我一樽同

蘇幙遮

閨思

碧梧輕紅葉
軟鶯語無聊頓覺芳菲淺
鴛帳夢迴金釧
匾約得隣姬
雙陸閒消遣
別愁濃
清淚泣郎似楊花
妾似紅蕉
卷漫把繡衫雙扣
撚柔腸不禁車輪轉

一剪梅

秋懷

細雨蘋絲葉葉秋山自悠悠水自悠悠寒燈幾點笛聲
幽不是漁舟便是菱舟 病客天涯悔浪遊花也增愁
月也增愁雙魚寂寞淚長流身在江樓夢在粧樓

漁家傲

歸隱

檢點閒身猶未老莫教名利縈懷抱澁水蓴鄉歸隱早

塵事少駕鸞飛處青山曉
此際待將愁悶掃悠然濁
酒東籬倒拍手浩歌巖月皎
秋色好蘋花數點潮聲小

山寺

雲影層層千嶂裏奇峰削出芙蓉朵
仄磴蒼藤穿磊砢
幽澗坐飲溪麋鹿閒如我
突兀珠宮留佛火夕嵐自
把香壇鎖拍拍水禽衝面過
和衣臥涼塘一點松梢墮

醉春風

閨恨

一樹繁花擺少箇人兒在闌干暗拍費沉吟悔悔錯
剪雲鬟虛傳錦札相思空害拚得分開罷雙淚羅襟
灑枕餘衾剩為何人待待待屈指幽期幾番誤了韶華
難買

行香子

秋思

秋浦溶溶秋嶺重重悵登臨水香山窮愁人心上何處
相逢在鴈聲邊葉聲外雨聲中 三秋作客十年心事

恨迢迢芳訊難通
爐烟初碧燈蕊徒紅
任羈懷冷吟懷
淡酒懷慵

青玉案

滕王閣

萍蹤又踏章門路
正高閣斜陽暮
寂寞一尊空弔古
秋
水長天落霞孤鶩
端的才人句
雲帆極目紛來去
檻
外江流自吞吐
試問昔人高會處
漁歌四起藕花蕭瑟
依舊西山雨

憶舊

東風吹綻丁香樹又陌上飄殘絮腸斷畫橋門掩處鶯
啼蝶舞小樓曲榭記是秋娘住而今楚峽行雲去目
斷鴻箋春又暮寂寞西陵松柏路桃花舊院春風如笑
悔把佳期誤

天仙子

春情

葉葉銖衣高閣冷小鳳泥金飛不定遠山微蹙學修眉

人語靜疎林暝月落青驄不見影
夢裡分明花下徑
攜手不殊鴛翅並問儂別後苦相思
方欲應風吹醒愁
對銀缸雙穗燼

江城子

詠柳

誰將羌管奏離筵畫橋邊酒旗前
細剪春風鶯語自年年
最是青青愁不了常泣露更啼烟
隋堤殘月影翩翩
遷吐香綿暮春天飛入玉樓常伴玉人眠
不信柔腰剛

一捻能禁得許多憐

傳言玉女

秋懷

永夜沉吟夢近人兒偏遠小牕斜日山似愁鬟亂欲將
心事訴與暝楓寒鴈風波平地無端分散還憶春時
背立花前如怨蘭膏香漬試解羅囊看迢遞仙槎隔着
茫茫銀漢可憐拖逗青春強半

風入松

寄張蓼匪先生

深秋綠野桂將殘，烟染檀欒畫簾軟。枕無餘事紅牙度，
香裊屏山。回想年時塞上雪花駝帳初寒。從來勇退，
急流難羸得身閒。初衣嬋媛真堪羨，又何須跨鯉乘鸞。
容我鹿門負耒，同君鷓浦投竿。

御街行

題太湖傍精藍

小亭無數秋雲壓，雨篠涼侵榻。簾前千頃即澄湖，點點

青螺挿有箇高僧赤髭白足說盡生公法
十年慣把溪山踏野鶴孤飛匝此中
撒下萬千般消受茶槍菜甲
松陰夜靜長歌岬幘皎月纖痕捻

婆羅門引

秋夜飲張荆門齋

重陽近也楓殘菊嫩不勝秋
遠峰相對如愁且喜閨齋
無事脫帽暫淹留看張郎新句瀟洒風流
唵仙醉侯問此樂人知否
花下雙螯在手一笑奚求紅燈影裏聽

清談靡靡勝王劉更何用趙瑟齊謳

紅林擒近

送張忍齋先生之廣陵和周美成韻

雲影輕蘋娟雨絲殘桂香鷗烟浮遠嶼漁火亂橫塘江
上青山如畫最喜盡入蓬牕邗溝衰柳啼妝何處弄絲
簧萬里滇南客築室老萼鄉淋漓翰墨風流不數齊
梁想蕪城夕照紫萸翠袖登高傾盡菊花觴

祝英臺近

會稽道中用辛稼軒韻

霽烟輕涼月澹腸斷西陵浦松露廉纖灑遍蓬牕雨可
憐舊日青山無人吟眺算誰肯移家暫住 憑闌覩幾
株垂柳陰邊屬玉遙堪數萬壑千巖猶記虎頭語任他
客帽頻歌邨醪半醉聊目送亂雲歸去

柳初新

壽張帶三先生內君

桂香蟾影雕闌折喜已近中秋節鳳簫輕按鹿車雙挽

偕隱風流高絕綠野林泉迥別羨樊劉並傳僊訣掌
內珠光如月徧庭堦芝芬蘭茁花間孟案簾前萊綵盛
事一時誇說遙望玉樓瓊闕待攜將玄霜絳雪

驀山溪

西湖

湖光如鏡雙槳凌波去鶯語正鈎輶遍長堤落紅飛絮
歸來半醉腸斷玉樓人蓮葉帶藕絲衫斜倚闌干暮
柔藍幾疊濕影聯殘霧暝樹帶鐘聲渾忘却畫橋歸路

花時月夕贏得此身閒
鸚鵡殘鳳凰槽莫把韶光誤

長調

八聲甘州

懷吳六益

看白榆歷歷近秋河
玉露灑空庭問羈人獨夜故園歸
夢幾度魂驚屈指舊時文社
良友半凋零遙想孤吟處
瘴黑嵐青
當日江樓送別記瓊筵酒罷
慷慨揚舲知
天涯近來詩句比南金翠羽
價非輕衡門下遲君偃仰

菰飯蓴羹

滿江紅

壽張研銘五十

五柳高齋恰對着
一泓秋水繞溪畔
檀欒婉孌輕鷗飛
起萊甲風前蕤蕤綠
豆花雨後垂垂紫
問何人負耒學
龐公賢如此
白藤杖青棕履
紅螺璣烏皮几
看豪吟
痛飲誠哉名士
蔣徑久忘賓與主
遽年莫問非和是
但相逢箕踞對斜暉
浮春螳

重到西湖憶舊

繡幙春濃酒帘外青山無數還記得桃花滿院劉郎前
度紅燭畫橈臨別酒碧簫殘雨相思路看韶光零落斷
橋邊斜陽暮無限景烟中樹無限意風前絮對澄湖
如鏡玉人何處艷影尚疑花欲笑麗情只有鶯能訴歎
西冷松栢自年年風流悞

寄懷陳山農

寄語陳郎還記得吳趨行樂明月夜鷓絃鳳管共傾鑿

落遲日玉枰花下艇翠微蠟屐烟中閣想那年光景總
消魂渾如昨且學織桃椎屨且學賣韓康藥又何妨
遠蹈蕪城跨鶴况是竹西歌吹地一時琴酒堪棲托問

董生踪跡近如何仍漂泊

時余客
吳興

丁未夏泖濱人剖蚌得徑寸大珠賦此紀異

三泖淒涼忽變作珠池璀璨豈果有孟嘗廉吏夜光復
煥何處忽收鮫客淚誰人敢把驪龍探看熒熒火齊掌
中圓非常玩赤水曲崑崙峩峩象罔索離朱瞰怪江干

夜夜蟾輝同爛金
錯剖來胎似玉
晶盤擎出光微紺
似匹夫懷寶罪何辭
還堪歎

水調歌頭

懷西江李維饒

自別同心友
倏忽五春秋
不知別後消息千里
思悠悠
地占南州之勝
人在東京以上
談笑盡風流
回想龍沙景爛
漫夢中遊
雲如醉烟如怨
月如愁
荒城蘆葉不堪
還倚最高樓
聞道燕山歸去
復向瀟湘作客
竒句錦

囊收恨之晨風翼與汝訪丹丘

壽何履方

螺璣浮瓊液鳩杖映華顛秋來恰遇佳景巖桂凝晴烟
本是竹溪六逸堪入香山九老丰韻自皎然不作黃梁
夢惟檢白雲篇 柴門靜松徑僻日高眠丹青妙理直
將筆墨當談禪吾欲借君彩筆便擬寫君入畫儼似畫

中儂蟾影和秋色瀟灑自年年

凝音佞唐詩日照凝紅
香又落絮無風凝不飛

杜少陵詩晴牕
檢點白雲篇

滿庭芳

春遊

巖腹歌紅湖唇菴綠春光此處偏饒丹襟雙燕飛過赤
欄橋人似東風無力梨花夢魂斷難招高樓上玉笙吹
罷烟月總無聊迢迢雲水濶越王城下獨倚蘭橈歎
十年行役素髮飄蕭記取三生石畔尋舊約幾度魂消
山深處烹苓劖木容我伴漁樵

蘆花

岸暝侵雲江寒妬雪蕭蕭聲遍秋風傷心客路搖落正
相同十月江南暮景空凝望烟雨冥濛誰為伴鷓鴣汀紫
蓼漁舍更丹楓孤篷還夜泊一聲殘笛數點離鴻更
憐他寂寞露蒨霜叢偶爾斜陽影裏還悞認柳絮漫空
青山外平波渺渺幾欲泣途窮

鳳凰臺上憶吹簫

閏七夕

鶴馭重逢鵲橋仍架銀河依舊迢迢喜雙星尊酒又得

相邀翺覺幽期容易笑人間別恨空勞鉞樓畔荷香欲
斷桂露初飄 魂銷歡娛再整念此夜姮娥碧海青霄
羨風流佳話較勝初遭每歲相逢兩度又何須暮暮朝
朝低聲祝年年但願常閨今宵

醉蓬萊

賀宋荔裳觀察得子

羨蘭臺詞客久擅雕龍年華未老骭麟風塵喜宦情偏
好醉墨霏烟吟船弄月夢斷吳山曉桃葉江邊莫愁湖

畔春風來早 欣覩瓊階桂枝初長佳氣充閭金錢繡
褙玉骨非凡似神駒騷裏此際香閨紅妝羣擁看軒渠
含笑子夜笙歌沉沉鳳蠟玉山醉倒

玉蝴蝶

病鶴

本是青田仙客暫辭碧落謫向塵寰極望蓬瀛萬里天
路漫漫林颺急縞衣凋素巖日澹砂頂摧丹夜方寒聲
微力弱難徹雲端 嬰跚不翔吳市未歸華表孰駕緜

山獨立寒溪自憎形影遽衰殘籬落邊漫隨雞鶩女牀
側空羨鷓鴣近雕欄有人相對同病堪歎

上已

試入翠屏深處花潭竹塢恰恰啼鶯此日流觴曲水更
憶蘭亭麴塵波嬌雲冉冉蘅皋路香雨冥冥畫樓凭柔
藍一抹日澹烟輕 分明柳橋西轉香車寶扇曾見娉
婷翠袖朱闌隔花微笑眼波橫合歡鞋繡幫三寸同心
結綵縷千層暮蟾生畫艘歸去幾點紗燈

念奴嬌

述感和彭美門韻

英雄已矣把吳鉤拋却唾壺敲碎痛哭窮途同阮籍難
乞步兵佳尉白日黃雞催人老去幾度中山醉龜毛兔
角歎浮名何年遂夢魂不到春明讀書賣卜瀟洒君
平肆落日江亭閒岸憤贏得持螯斫鱸故國青山美人
黃土往事徵於鬼桃笙豹枕算人生惟有睡

又

幾許竒才與龍泉並
瘞夜光同碎誰是黃梁
初夢醒甘作掛冠僊
尉挾瑟燈前遺簪席上
且學淳于醉荷衣桂
槩素懷欣此時遂
不妨轟飲悲歌吹簫擊筑
爛漫屠沽肆澱水
苓簪秋雨後消受素尊
丹繪詞社淒涼酒徒
零落一半嗷嗷鬼黑甜
軟飽問醉鄉何如睡
答着積平聲蘇子美詩鳴柳莫觸蛟龍睡舉網時聞魚鼈腥吾實宜遊無况者旋來隨爾帶苓簪

和美門韻寄贈

韶光難再任緋桃開罷
黃鸝啼碎人世繁華誰
占得漫

說吹簫都尉羯鼓三過螺卮百罰依舊騰騰醉投竿抱
麤妬君此願先遂 還想八斗才華金鏘玉憂如聽歌

鐘肆記得畫堂紅蠟煖共噉魚羹鳩繪鰲浦書遥羊城

夢斷但見盈車鬼屋梁明月照人此際難睡

時美門有南粵之遊

又

咄咄奚為把毛錐拗折陶泓摔碎不艷石渠年少客翻
羨羽林諸尉一葉何來江邊漁父苦勸三閭醉拂衣歸
去農桑生計偏遂 看他傀儡俳場科頭跣足容我狂

而肆白苧丹楓時憶汝嘗取郎官鮮繪盃底羅浮胸中
雲夢竒句堪驚鬼浮生老矣且圖快飲濃睡

送孫無言歸黃山和曹顧庵學士韻

吾雖未見想其人孤峭其詩幽絕踏遍江南江北路磊
落壯心如鍊高臥蕪城桃花春雨啼破黃鸝舌請君試
看道旁多少危轍回望三十二峰峰竒削已作多
年別石上浮丘丹竈在不禁烟霞腸熱驅犢晴畦撈蝦
暝渚莫歎生涯拙他時相訪共餐芝草巖雪

木蘭花慢

對酒

算浮生碌碌止少得一囊錢且頻喚索郎亟邀歡伯笑
傲花前富貴此生休問儘徜徉山水度殘年孰慣紅塵
短衛飽圖白社高眠數弓隙地結茅椽疎竹鵬溪烟
有峰際閒雲松間野鶴相對隴然數聲漁笛何處看斜
陽曖曖下平川試問鬱單天子何如酒肆神僊

鬱單天子用上

元夫人衣
庫僊官事

南浦

贈雙溪凌秋渚兼寄家湛思惟孺

苔溪不遇却相逢在白苧城邊一見飛揚跋扈揮灑亂
雲烟暫學韓康賣藥知通人遊戲本相兼看白狼選勝
赤烏弔古落葉句尤妍不淺蓴鱸逸興趁秋光獨泛
澗湖船與爾樽前慷慨心事兩相憐寄語吾家雙伯氏
溪山何處數流年此時只合高歌痛飲落花前

秋渚編
避吳會

復客海陵所著落葉詩贈
失一時故有白狼三句

瑞鶴仙

壽鶴沙許太史

羨歸來畫錦許安石東山暫時高枕深秋露華冷正丹
楓半醉黃花弄影樓空人靜倚胡床蟾光萬頃試遙看
數點青螺一片蓬瀛佳景還省靈坡視草芸署裁詩
玉堂仙境瑤戈畫戟把江山來重整荷君思且著萊衣
戲舞綠鬢韶華正永儘教他徐按笙歌流霞細飲

宴清都

詠苔

箇箇如錢絲絲似髮雨餘益增幽景小園春去雙扉晝
掩落紅初凝檻外銀塘如鏡有無數翠鈿相映遍閒階
那更松根月澹草際露冷春永雨繡金鋪霜粘玉礎
畫簾人靜長信宮閒華清院廢數點螢影最喜蕭然三
徑裝點箇紫桐綠淨止許那白鶴幽踪飛來相稱

春從天上來

贈陸君暘

白髮花卿向梨花皓月綠醕同傾宮商自譜樂府新聲
驪珠一串分明看輕攏慢撚掩抑無限深情正魂消漸
曲終人散斗轉參橫當年禁廷寵召喜子夜瀛臺天
語崢嶸漢代延年唐時幡綽風流今古齊名旋南馳叱
撥春江路蟾白螺青掩柴荆蒲團茗椀蝶夢初醒

二郎神 第二體

詠黃石榴花

緋衣阿醋忽改做道家裝束看滿額鵝黃天然雅淡絕

勝猩紅鴨綠堪與姚家稱娣姒真一樣嬌姿絕俗有林
外黃鸝飛來一色繁枝如簇空谷儘堪長日伴人幽

獨似憔悴慙慙霍娘病起瘦比離邊藜菊挿向雲鬟金
釵掩映不是丹葩穠郁想飛霜一夜秋苞拆盡珀珠盈

掬

東坡詞石榴半吐紅巾戲侍
飛花浪蕊都盡伴君幽獨

望湘人

詠塵

看漠漠紛紛緜緜繚繞白晝非煙非霧紫塞酸風黃沙苦

月散漫隴雲闌樹十丈馬頭緇衣化盡東華舊路記江南
春景佳時細逐落花飛絮誰把紅牙暗度見畫梁
簇簇飄來無數何處印香痕愛殺玉弓微步日長靜對
虛牕弄影傍着爐香幾縷算人世弱草輕棲只合清歌
緩舞

楊孟載有此詞詠塵者而

惜其意未盡故偶拈此

夜飛鵲

寄懷張處中

故人遊未返目斷南雲雙魚消息空聞越山迢遞幾千

里嶺梅落盡餘春丈夫天涯寄跡喜主人同調杯酒情
親葛巾梭屨看飄然七尺閒身試上鳳凰山望海氣
拍長空蜃霧氤氳更有丹梯石室枕榔萬樹翠羽成羣
眼前竒景是天教付與詩人待少文遊徧故園歸隱同
採秋萼

沁園春

湖陽太守宋讓水遠惠詞稿兼餉方物賦此寄

贈

所謂伊人羊城之左鰲浦之傍看五馬春行層峰矗矗
雙幡夕指漲海茫茫鸚鵡羣飛荔枝初熟絕勝江南櫻
筍鄉更堪羨有巖花繞几桂酒盈觴興來搖筆琳瑯
則詞賦蘭臺獨擅場記應阮同時騷壇狎主機雲並駕
皇路高驤白髮詞臣青山傲吏政治文章兩不妨相期
切惟月卿天老清禁徊翔

湖上送鄒程邨之江右

何處逢君西子湖邊招提畫樓歎羈客重來不堪凝眺

才人久別依舊風流鳳蠟花輕螺卮酒膩痛飲豪吟夜未
休揮毫罷看烟霞亂灑珠玉難收而今便往南州聽
鶉鴉啼殘章水秋况玉驄芳草王孫未返珠簾細雨帝
子空愁客裏相逢客中相別此際輸君汗漫遊須珍重
記相思兩地楚尾吳頭

摸魚兒

寄盧丈子

見小園黃花開徧蘄葉斜陽依舊唾壺擊碎正無聊况

值悲秋時候簷雨驟兼數聲落葉映壁燈光瘦浮生大
謬算龜背刮毛馬頭生角何時成就黃梁夢早被盧
生看透寧待疎鐘殘漏建牙吹角尋常事只愛白雲翠
岫君知否歎多少英雄末路空回首花前邂逅同作醉
鄉遊長吟短詠莫使雙眉皺

賀新郎

懷陳其年

試數詞壇彥惟陳生竒葩逸藻波騰雲卷手展麥光傾

八斗競道揚班再見聽清論靡靡忘倦海內真才能有
幾歎從來風雅時人賤休浪誚雕蟲擅石城花月同
留戀正良宵銀箏翠袖鸞箋題徧別後酒徒零落盡爾
我飄飄蓬轉止餘得愁絲恨片不信董公稱健者已十
年瘦損風塵面空搔首淚如霰

偶作


貧也原非病悵蕭然桑樞蓬窗褐衣塵甑底事屋梁恒
仰面贏得窮愁愈甚請從此停披輟咏謝絕墨御毛顛

革任江花零落邊笥罄北牕下惟高枕 莫誇繁露才
名勝到如今下惟何用窺園不禁蠻觸功名安足貴早
已邯鄲睡醒况窮達從來有命暇日搯筇攜斗酒正花
時不負登臨興誰似我麋鹿性

為歸懸弓納姬作

孰謂歸生老看脩然烏巾鶴氅風姿猶好偏喜鏡臺容
易覓扇底嫣然一笑况才比温郎還妙架上彩毫應禿
盡須另尋銀管青螺掃知長夜被花惱 莫媿秋燕同

潦倒問生平，容成秘術些些可。曉種玉仙緣，天付與消
受。翠鬟嬌小，真妬殺鵲橋天表。但得茂陵人似玉，任白
頭大婦，貽詩誚掌上明珠耀。



十五家詞卷三十七